



05500

玉茗堂全集

臨川義仍湯顯祖著

詩

七言絕句

黃金臺

昭王靈氣久疎蕪今日登臺弔望諸一自蒯生
流涕後幾人曾讀報燕書

詩

池陽城南

池南三十六青峰暗與青華色氣重日暮烟空
片霞起江光飛滿石門松

送趙大歸齊

石林風雨樹蕭蕭鳴鴈秋生江上潮何待三周
華不注歸心如海白雲遙

送秦次君之汴



朝雲鄣日望南洲一曲蘭歌清漢流爲過雙溝
莫留悵月明無限吹臺秋

別梅固安

黃村別徑曉塵輕仙令梅生出送行薄暮離情
向汾水白溝河上遶秋聲

送陸生遊齊

涉江送子芙蓉菴楊柳春行綠影潭東去青青

詩

十四卷

一

莫惆悵濟南山水似江南

送鄭午陽之文登

爲赴東華碧海期紫藤高髻獨行時只應自占

崑崙影白玉臺前映九池

豫章送何貞長遊岳州

平江仙女接陽臺龍影連雲日幾迴爲憶故中

芝草長一羣鸞鶴聽歌來

武進道中

迎春鄉曲影晴湖苦竹西青接伴奴總爲遊人
俊鞍馬貪看忘落髻心珠

梁溪

橫山斷尾若龍蹲烟雨平蕪勢獨尊日暮花溪
泛桃水太湖西去有雙門

宜興道中

詩

十四卷

三

金沙的的濺紅顏笑插桃花飄鬢鬟遙見隔林
人喚語陌頭回望小心山

逢賣玉者

萬里千闌片玉輸到來連日價傾都安知幾歲
金臺下卞子無緣似賈胡

憶丁右武關西

西昆瞰霧隱岷山爲聽波聲幾歲還羌笛梅花

戊樓裏可堪春色對吳關

看賈胡別

金釵擊鼓醉豪呼
桂樹高樓啼夜烏
不信中秋月輪滿
年年海上看明珠

津西晚望

西津西望綠冥蒙
流水花林秋映空
三峰忽自飛靈雨
凌亂金光日氣中

詩

十四卷

四

送文生九谿

錦袍沾濕醉春殘
細雨梅時江上寒
南北武陵真不遠
何人生入荔枝灘

王小坏去溧陽

陽羨山光春氣流
平林東望曲壇幽
卽知金碧明湖上
烟雨能開大小浮

秀州

雨濕松陵春滿烟杏花榆莢映新田不知何處
唱歌好東柵平湖日夜船

金竹

村鼓壇神六日招豚肩斗酒去安苗兒童逐手
爭拋食社長分頭看插標

新林浦

凌陽浦里襍花生曉屋鳴鳩春樹晴昨夜南溪

詩

十四卷

五

足新雨轆轤原上踏歌聲

青陽道口

博山橋上晚烟吹花氣晴雲煖石池解道青陽
人易老道傍仙冢故纍纍

宿鍾樓尖

百丈天花散伏龍青寒殘日映孤踪松杉半拂
歸雲洞錦繡全開待月峰

赤鑄山

干將昔此鑄芙蓉風雨千秋石上松
借問閭門騰虎氣何如江上鎮蛟龍

夢日亭

曾借君王七寶鞭湖陰絳氣屬晴天
如今畫地連江海祗合長安夢日邊

采石化城寺

詩

十四卷

六

滄波雲氣結樓臺采石金陵相映開
一朶青蓮留夜宿諸天水月照人來

穀池店

清弋秋江接賞溪賞心人望竹園西
青衫草色兼晴雨白蕩開花山鷓啼

庚辰再過南陵懷林明府

梅花白石映春林綠水潭陵思憶深
別後何人

見秋浦娟娟殘月下城陰

望華亭夕

華嶺懸泉下飲猿六池秋色映梅根
今宵滅燭華亭上可是前身水月寬

魚龍洞

青城百里洞仙家坐起西南九片霞
日氣玲瓏洲渚色綠魚青鳥白蓮花

詩

十四卷

七

九華

滴翠峰前天柱高雲門清蘸發仙璫
不知海上金輪月夜夜神光起白毫

花塘答蘇青陽

岩壑矇矓烟雨初龍池風色散花餘
遊人自惜三春草仙令裁飛五色魚

望春

除日迎春春吹開鳳凰今作望春臺氤氳淺色
含香芷簌簌浮寒動蚤梅

廣陵夜

金燈颯颯夜潮寒樓觀春陰海氣殘莫露鄉心
與離思美人容易曲中彈

病酒答梅禹金

青樓明燭夜歡殘醉吐春衫倚畫闌賴是美人

詩

十四卷

八

能愛惜雙雙紅袖障輕寒

答龍郡丞

楚江春雨入東吳公子名園興不孤竹裏紅魚
遊聽曲花間玉女笑投壺

江宿

寂歷秋江漁火稀起看殘月映林微波光水鳥
驚猶宿露冷流螢濕不飛

青陽道中

溪山雲影杏花飄
衫袖凌風酒色消
數道松杉
殘日裡春深立馬望
華橋

溧陽洞山

瓦屋如雲春作花
華陽絳氣屬青蛇
中開百尺
仙人掌搖漾金光落
紫霞

木葉豫章東湖送客

詩

十四卷

九

木葉微波江蚤寒
峩眉秋色醉金鞍
不煩琴曲
驚千里已看纖腰盡
七盤

南康一夕至東流

秋風菊浦猶殘菊
春雪梅林欲破梅
星子縣前
明月動仙人湖上白雲來

與劉東流

湖上仙人綠玉尊
梅潭新月映黃盃
空江不見

王孫草忘却春深五柳門

寄葉石埭

仙縣春泉似漢臯誰家姊妹得仙桃今朝水上
絃歌發爲送飛鳧雲漢高

寄林南陵

日飲朝霞春氣開陵陽仙令築亭臺至今五色
丹泉上猶似吹簫白鳳來

詩

十四卷

十

寄林巴陵

漢西門上月華流澧浦湘君玉佩遊借問仙鳧
何處遠白雲飛滿洞庭秋

莫愁湖

石城湖上美人居花月笙歌春恨餘獨自樓臺
對公子晚風秋水落芙蓉

送人入蜀

瞻躡津樹曉帆開
簫鼓秋聲遠
岍回無事江關
卽惆悵劍南猶有望
鄉臺

邸報御門有喜

萬年仙曆正朝元
至日書雲望至尊
見說天人調御蚤
齊趨闈闔待春溫

和王伯臯薄粧含暮景

盡教年少聽笙歌
粉署曲臺春恨多
最是薄粧

詩

十四卷

十一

含暮景薰香爐伴
要人過

張老別

空江積雨映朝霞
歸去吳淞處士家
爛醉莫嫌秋髮改
尊前重對玉簪花

卽事

漢家七葉珥金貂
不見松陰嘆綠苗
却嘆江陵浪花盡
一時開放等閑消

送陸生從軍薊門二首

鴉鵲盤雲秋氣清
香河飲馬暮嘶聲
新穿繡甲花樓子
知是潮河第一營
盤山秋影挂盧龍
別道烽煙入喜峰
但得轅門能拜將
邊牆何用兩三重

寄右武莊浪

蘭州潦遶金城關
積石河源星宿間
沙塞封侯

詩

十四卷

十二

良自苦男兒
一上燕支山

朔塞歌二首

白道徐流過五重
青春繡甲隱蒙茸
歸驄莫緩遊鄉口
噪鵲長看小喜峰

獨上偏頭笑一回
娘娘灘上繡旗開
金珠不施從軍婦
順義夫人眼裡來

胡姬抄騎過通渭

渭南兵火照城山十八盤西探馬還似倚燕支
好顏色秋風欲向妙娥關

河州

連峰萬頃接重臺陣洒龍門戰血開積石東頭
懸騎入洮河西畔打鷹來

弔西寧帥

峽石千兵死戰場將軍不敢治金瘡籌邊自有

詩

十四卷

十三

和戎使閣道無勞問破羌

王莎衣欲過葉軍府肅州

崆峒問道此何時祁連陣影欲參差紅塵自蹴

燕支塞白首高歌王母祠

南華寺二首

和尚坐具幾許闊生龍白象紛來趨西天寶林

只如此上有菩提樹一株

寂寂寶林雙樹寒一花千葉向中安
新州百姓能如此慚愧浮生是宰官

乳源道中

洞壑闌干滴乳源
湘州一逕古梅村
尤仙西北何靈氣
嫋嫋風雲長出門

廣南聞鴈

傳道衡陽有鴈迴
炎州片影更飛來
似憐遷客

詩

十四卷

十四

思歸苦爲帶鄉心
過嶺梅

小金山次蘇長公韻

夕陽烟雨片江開
灑灑寒潮自去來
我亦桄榔菴下客
明珠海上寄蓮臺

石城弔鄒汝愚

花徂城郭異高涼
海氣昏朝陸祿黃
莫爲三巴愁客死
還須五日過雷陽

徐聞泛海歸百尺樓示張明威

杳磊風煙臘月秋
參天五指見瓊州
旌旗直下波千頃
海氣能高百尺樓

白沙海口出杳磊

東望何須萬里沙
南溟初此泛靈槎
不堪衣帶飛寒色
蹴浪蕪天吐石花

送賣水絮人過萬州

詩

十四卷

十五

江西水絮白輕微
殘臘天南正葛衣
見說先朝曾雨雪
檳榔寒落凍魚飛

和宋周太常平昌草堂四詠

鷺洲釣月

暝踏孤舟一釣魚
半鈎新玉挂蟾蜍
猶憐白鷺蕭蕭影
秋老寒塘獨照渠

白馬樵雲

丁響時有遷鶯斷續聞

吳臯春作

喚起青牛更莫眠
吳臯春雨杏花天
他山種樹能多少
留作陶家酒米田

月崑夜讀

君子山房月倍清
娟娟憐與讀書明
如今更有

詩

十四卷

五

閒官燭只聽吾伊三兩聲

和葉河權草堂四詠

平昌

松屋卧雲

縷轉松風韻紫虛
眠雲夜冷畫芙蓉
山中所有應如此
直是江南陶隱居

竹窻延月

風露娟娟浣竹林
月窻秋影夜來深
不知叢桂

山中客長聽瀟湘雲水音

荷亭酌酒

酒是金荷露滴成花如素女步輕盈西風暮雨
何辭醉便向池亭卧亦清

竹嶼烹茶

君子山前放午衙濕烟青竹弄雲霞澆將玉井
峰前水來試桃溪雨後茶

詩

十四卷

平昌青城山

萬仞飛泉掛石龍青城如霧洗芙蓉自非仙令
鳴琴出誰闕秋窻玉女峰

赤壁望浦城

平昌

棲靈岩下碧泉分石戶天窻時出雲夜踏仙梯
滿霞氣海光初映武夷君

東梅嶺

平昌

山三十六縈迴，遶徑如絲雲霧開。獨坐野棠春寂寂，幽香寒雨正東梅。

洞峰

平昌

西行百里洞孤峰，上有龍門常出龍。不知龍出能多少，只看龍湫雲氣重。

石門泉

青田

春虛寒雨石門泉，遠似虹蜺近若煙。獨洗蒼苔

詩

十四卷

十八

注雲壑懸飛白鶴，遶青田

班春二首

今日班春也不遲，瑞牛山色雨晴時。迎門競帶春鞭去，更與春花插兩枝。

家家官裏給春鞭，要爾鞭牛學種田。盛與花枝各留賞，迎頭喜勝在新年。

黃塘廟

山空流火亂螢飄池上風清酒氣消四顧沉林
甫初歇平昌令尹聽吹簫

上巳渡安仁水有憶兩都

泛羽流波芳樹新船中穩坐唱歌人可憐三月
桃花水不似千金隄上春

午日處州禁競渡

獨寫菖蒲竹葉杯蓮城芳草踏初回情知不向

詩

十四卷 十九

甌江死舟楫何勞弔屈來

九日登處州萬象山時繡衣按郡

風定烏紗且莫飄蓮城秋色半寒潮黃花向客
如相笑今日陶潛在折腰

送徐吉父長安上書

笑別平昌酒一盃燕昭雲氣築金臺馬頭若見

西山雪莫作山陰半夜回

松遂界石鏡

玉輪江上美人精黃鶴樓西石照明何似松陰
側圓鏡一溪苔蘚暮灘聲

遂昌松陽界萬歲山口號山舊名晚翠趙
康王避金騎所棲

來去山前朝暮霞金光片片石蓮花如今萬歲
山朝北不報南巡望翠華

詩

送客信陽謁何太史

直到三鴉九曲河迴腸一日幾經過萋萋莫向
王孫草恨這關前春恨多

看畫口號

何處三公指向空白頭西笑日東紅三公久視
如相識烏有子虛無是公

送客萍鄉成禮

宜春春酒鳳簫迴暮雨雲朝玉女推歸到筆花
應五色聰明泉上讀書來

讀四十二章經

好是摩騰並法蘭金光輪指爲君彈都拚劫盡
跌蓮裏直是中華遇佛難

入唐山寺

有序

唐季禪月大師貫休居平昌唐山十四年夢

詩

十四卷

三

異人授以寫梵相十八尊者像一像未就異
人教以臨水爲之意師乃此像後身也後大
師去蜀蜀孟氏二女尼欲遊天台師教之唐
山見尊者至則尊者皆現身云

東梅嶺路踐龍蛇似阻天台石蹬霞忽忽雲堂
見尊者紅魚波影白蓮花

廣仁院

有序

平昌廣仁院佛殿壁有邑人毛會潛畫一婦
乳兒夜有兒啼聲衆怪之一日僧語會笑曰
易耳以筆添乳入口遂絕

曾爲娥眉斬畫師千秋能此畫孩兒自慚遶佛
無飛乳滿縣兒啼似不知

漫書所聞答唐觀察

嶺外梅殘鬢欲星孤琴搖拽越山青只言姓字

詩

十四卷

三

人間有那得題名到御屏

縣小河陽花遍開金盤露冷醉人來也知不厭

山公啟解事長虧女秀才

蘭署江南花月新封書纔上海生塵心知故相

嗔還得直是當今丞相嗔

一疏春浮瘴海涯五年山縣寄蓮花已拚姓字

無人識檢點封章得內家

東筦鍾宗望帥家二從正覺寺晚眺讀遠
師龕巖童子銘三絕各用韻掩淚和之
不能成聲

天花拂水向城隅八歲西兒瓜髮殊解道徃生
成佛子偶然爲父泣遺珠

達公金骨也塵沙萬古彭殤此一家恰是鍾情
渾忘却十年紅淚映袈裟

詩

十四卷

三

無情師印有情文水點軍持滴路墳止是金環
何用覓月明吹笛逕山雲

帥從升兄弟園上作

宿草春歸幾醉醒白頭吟望暮山青思君小閣
東園好棠棣花前看脊鴿

池上青山醉倚門迴車陌巷小遊園留連未覺
鶯花老桃李深深更一言

小園湏着小宜伶唱到玲瓏入犯聽曲度盡傳
春夢景不教人恨太惺惺
斷霞秋色剪澄江白鳥晴邀彩筆雙客去會湏
酬一醉枕歌山雪夜鳴窻

九日聞鍾宗望文昌橋畔思鄉

自作新橋俯碧湍曾無高客淚闌干何來嶺外
思公子露泣夫容怨蚤寒

詩

十四卷

三四

臨水登高秋復秋二從相殢好遨遊不應幾滴
黃花酒杖向新橋作淚流

送宗望

池上新歌遶翠盤石梁斜月帶征鞍初歸嶺外
無炎熱飽向江鄉承露寒

玉茗池頭燈燭光芙蓉清露濕衣裳思君獨向
章門去八月乘槎牛斗傍

何處清光不可留
亂帆楓葉最宜秋
非因久客無知己
公子年來欲倦遊

每逢相見卽依然
公子思歸鴻雁天
嶺外夢魂江上月
不堪今夕是離筵

詠楊太宰桃花園圖卷寄右武爾瞻

吏部桃花千樹穠
春風春日姪顏容
亦知鄒子閒吹律
略放丁生一夢松

詩

十四卷

三五

爲華容宰口號

院院花開春可憐
宮娥湖上看新田
卽今雲夢纔乾土
莫要兒家水面錢

湯書

新箋仔細曾無錄
小論叢殘未擬玄
獵賦韻高雲夢後
騷經注上日中前

戲寄右武

蓮花寺欲夢蘇卿湖水西

平昌河橋縱囚觀燈

遶縣笙歌一省囚寂無燈火照圓扁中宵撒斷
星橋鎖貫索從教漏幾星

平昌君子堂

君子堂前煙樹齊山炊水碓盡橋西庭中有訟

詩

十四卷

三

多蕉鹿市上無誼少鬪鷄

除夕遣囚

平昌

除夜星灰氣燭天醅酥銷恨獄神前湏歸拜朔
遲三日溘見陽春又一年

甲午秋在平昌夢遷石阡守并爲兒遽夢
得玉床自占石不易阡素床豈秋兆溘

志之

石自成阡玉自牀何來秋夢接雲涼世間多少
驚蝴蝶長恨莊生說渺浩

乙未計遂二月六日同吳令袁中郎出關
懷王象白石浦董思白

四愁無路向中郎江楚秦吳在帝鄉不信關南
有千里君看流涕若爲長

丙申平昌迎春曉雲如金有喜

詩

十四卷

毛

仙縣春來士女前插花堂上領春鞭青郊一出
同人笑黃氣三書大有年

石牛渡菴

枕帶河橋傍夕醺石牛風起過殘雲不知簷外
千竿雨和夢蕭蕭得此君

平昌射堂戲作

此地懸知獵鳳麟我來初作射堂新諸生異日

逢夫子還是彎弓與扣輪
谷轉溪回地脉雄諸生高宴射堂中尋常好插
東南箭誰飭秋膏一挂弓

乙未平昌三拜朔矣示館中遊好平昌屬
括蒼常見呼老鵠鶴云

歲歲書雲色正黃春山無恙對琴堂飛鳧又作
朝天去太史應占老鵠鶴

詩

四卷

二八

丙申平昌戲贈勾芒神

春到平昌立四年勾芒迎在土牛前也知欲去
河陽宰爲與催花蚤一鞭

丁酉平昌迎春口占

琴歌積雪訟庭閒五見春陽鳳曆班歲入火鷄
催種蚤插花鞭起睡牛山

聞谷南高卿起武岡

年少何須卽挂冠
玉人無恙繡袍寬
扶顏欲問丹砂水
離夢先過孔雀灘

芳草佳期與夢迴
淥波春色照雲開
賈生西上知何日
千古沉湘一到來

光熙峰笑東來道者

紫竹林西小白華
海天瓔珞散紅霞
恒河欲問東來意
千步沙多萬里沙

詩

十四卷

三九

潮音洞絕粒僧

中時旛影施檀開
獨上潮音冷笑回
饑飽嶺邊持一食
怕從羅刹口中來

潮音

洞裏潮音一泡多
如雷如磬隱波羅
蓮花側覆尋常說
今日將身在普陀

盤陀看日出

上暗飛霜吹入香爐作道場
破衲睡來天鏡曉清輝
五色在扶桑

送朝海僧

盡洗凡心莫洗愚
海門東去探明珠
毒龍正在波清處
便好隨流過鉢盂

湖州事起

大姓常湏酒
析醒慳恻何意獨爲醒
都堂便是

詩

十四卷

三

還鄉日執法難爲貫索星

嶺外送客平樂下第

南行三十六灘瀧
依舊龍門得化龍
別有清湘起愁色
踏歌人望九疑峰

香輿逢賈胡

不住田園不樹桑
玳珂衣錦下雲橋
明珠海上傳星氣
白玉河邊看月光

望鄉哭弟儒祖

腸斷雙親兩鬢花春歸何忍帶烏紗孤飛一歲
喬林曉提着噍噍怕近家

題雙輪忝馬燈

一篝燈影亂輪蹄一片東征一片西好似咸陽
烽火夕楚騅歸去漢龍嘶

粵裝偶見祁羨仲刀子

詩

十四卷

三十一

桂瘴來時青氣深七星巖畔寶刀沉交遊半百
逢生死燕市悲歌一片心

始興舟中

石墨畫眉春色開有人江上寄愁迴轉風灣底
曾迴燭新婦灘前一味梅

夜泊金匙

涼日蕭蕭懶步灘扁舟黃葉映秋殘叢祠海客

歌舞銀筵金匙醉不難

過曲江

去鴈已開梅嶺雪歸舟猶帶海人煙青臯雨過
如鋪粉會是韶陽種乳田

夢譚見日祁羨仲韓博羅區海目如昔時
下第出長安潞河雪舟言別成韻後絕

余和者羨仲拋盞落地愴然罷起覺而

詩

十四卷

三

紀之

菰蘆半醉雪花飛夜起清寒話入微共道梅關
春色蚤那堪人去直春歸

羅浮見日吐精熒更直韓區好弟兄手攬敵貂
成一笑長年風雪此中行

看番禺人入真臘

檳榔舶上問郎行笑指貞蒲十日程不用他鄉

起離思總無聲燕杜鵑聲

聽香山譯者

占城十日過交欄十二帆飛看溜還握粟定留
三佛國采香長徬九州山
花面蠻姬十五強薔薇露水拂朝粧盡頭西海
新生月口出東林倒挂香

嶺南踏踏詞

詩

十四卷

三五

女郎祠下踏歌時女伴晨粧教莫遲鶴子草粘
爲面靨石榴花操作臙脂

笑倩梳粧阿姊家暮雲籠月海生霞珠釵正押
相思子匣粉裁拈指甲花

恩州午火

逐客恩州一飯沾伏波盤筍見纖纖炎風不遣

春銷盡二月桃花絳雪鹽

石城送蜀客梧州

春到回龍傍鬱林亂藤煙月送猿吟鷓聲莫更
逢三月銷盡同鄉九折心

爲徐聞鄧生懷其尊人靖州

春半黔中花木殷日斜江上武陵蠻披衣看取
湘雲色浪楫長歌山外山

徐聞送越客臨高寄家雷水二絕

詩

十四卷

三五

珠崖如困氣朝昏杳磊歌殘一斷魂但載綠珠
吹笛去買愁村是莫愁村

一曲明珠老會稽客行長憶夜烏啼瓊潮不解
人朝夕半月東流半月西

徐聞熊明府以鷄舌贈別期復爲郎也却

贈

鷄螺盃尖易行酒魚子箋灰難草麻三省郎官

已往與君吞却沈香花

宗望酒中言別

三秋一日見歸期
忍淚河梁步欲遲
更向章門一盃酒
暮雲秋色過江時

久客逢秋心易傷
新聲遠此盡離觴
休將半路梅花嶺
夢斷相思玉茗堂

中暑索帥二從燒醞

詩

十四卷

三五

百尺高樓傲不消
侵風障日卧昭曉
不應便得清寒病
爲愛連珠麴女燒

帥從升赴省試問開遠兒何日往

江外閒題一葉書
紅裙愛子戀何如
章門最近龍門路
未敢爭先八月初

高要送魯司理

江楚西歸欲問天
瓊雷東斷瘴雲連
留題共醉

巖客夢裏乘槎是此年

先秋榜一日泊富陽懷吳伯霖

捲帆秋色富春西
雲氣飛來草樹齊
月路曉風飄桂子
吳山先聽海潮鷄

別達公

說到無生生便降
偶隨船影出章江
西山雨氣潮來捲
不是珠簾是法幢

詩

十四卷

三五

歸舟重得達公船

無情當作有情緣
幾夜交蘆話不眠
送到江頭惆悵盡
歸時重上去時船

江中見月懷達公

無情無盡恰情多
情到無多得盡麼
解到多情情盡處
月中無樹影無波

離達老苦

水月光中出化城空風雲裏念聰明不應悲涕
長如許此事從知覺有情

行千金隄懷蜀人古太守

曾用三犀壓水精蜀人文雅世清平年來太守
風流盡分付漁歌與棹聲

聞許伯厚入都

木末寒生水氣清吳西烟雨最含情秋風俠骨

詩

十四卷

三七

雲霄裏河外江南寄一聲

章門客有問湯老送達公悲涕者

達公去處何時去若老歸時何處歸等是江西
西上路總無情淚濕天衣

橋斷臺欹有懷居張二守

居公時有峴山情張老題橋恨不成自有青山
何必爾不妨春水漲行人

關南上橋寺候黃觀察善卿殯不至湯占
催裝詩三首奉呈輓唱諸君子

薤露將晞蚤食前如何報說五更天因風寄與
鷄鳴枕則爲長眠廢短眠

曾是長安花下人懸泉相候一沾巾城南日出
人多少不見黃家開道神

不可攀留夢已殘殯虞歌斷五更寒黃泉咫尺

詩

十四卷

三

淹如此得似人間行路難

江樓忽遇楚僧古萍索酒談偈悵然悲之
去雪江前紫柏師清秋重泛古萍誰相看不問
眉毛幾大要精靈下髮時

僧殘猶醉兩三盃千里相過一食回建立已隨
萍水去攀緣還似藥山來

懷貞父長安

御溝晴雪過啼鴉猶自空啣帶粉衙何似與君
沾醉起孤山月下看梅花川義仍湯顯祖著

寄問費學卿

一片文心與道情五湖風物舊來清當今得似
唐天子九華山前問冠卿

公子乘春興不孤畫眉金縷醉驚湖經知玉茗
堂中客打進春心得無

詩

十四卷

三五

玉茗堂全集

公子乘春興不孤畫眉金縷醉驚湖經知玉茗
堂天子九華山前問冠卿

一片文心與道情五湖風物舊來清當今得似

唐天子九華山前問冠卿

古報賦添山月不昏蘇林

啣畫帶雲蹤帶粉衙何似與君沾醉起孤山月下看梅花川義仍湯顯祖著

玉茗堂全集

臨川義仍湯顯祖著

詩

七言絕句

再覲回宿龍潭驛

戊戌

誰向歸舟唱一聲玉蘭花盡牡丹榮似憐遊子
春三月纔換江南第一程

詩

十五卷

迎春口占二首

甲午

并得花齊近午衙花前含笑插烏紗不妨春色
遲遲好等是春三二月花

去歲春花插較遲風煙晴雨半參差年來乞與
春晴好得見河陽似舊時

夜聽松陽周明府鳴琴四曲

蕭湘雲水

月白霜寒夜欲沈美人高燭映琴心不知掌上
松風起半是瀟湘雲水音

天風環珮

翠殘香鼎燭凝紅起視閒庭霜月空未合清音
轉嘹唳玉人環珮正秋風

漢宮秋

千門河漢夜雲收風起高堂燭艷流直是井梧

詩

十五卷

二

心不滅聲聲還泣漢宮秋

梅花弄

嚴城霜漏隱疎筵堂上尊殘片月斜爲聽主人
寒絕處一溪煙水半梅花

出松門回憶琴堂更成四絕

依依約約夜絃分彈到瀟湘水接雲怪得暮寒
脩竹裏楚山容易泣湘君

竹梧秋露泠泠環珮天風欲杳冥彈到夜鴻
飛不起却教中散帶愁聽

玉堂無樹不驚風偏有秋風入漢宮滅燭露寒
清漏曉聲聲流絕夜絃中

夜水寒雲半欲參聲聲離鴈起江南誰憐獨照
高堂影三弄梅花也不堪

韶陽夜泊

詩

十五卷

三

秋光遠送芙蓉驛亂石還過打頓灘獨棹青燈
紅樹裏露華高枕曲江寒

清遠送客過零陵

清遠江前唱竹枝香爐峽口暮風吹看君不盡
愁雲色直望蒼梧似九嶷

湘陰曲有贈

蘓泉釀酒作茶蘼鴛鴦井上曬臙脂獨夜湘臯

采蓮子何處聞歡歌竹枝

送表生謁南寧郡

白髮孤遊銅柱西
瘴來江影似虹霓
千山落月無人語
榕樹蕭蕭倒桂啼

送武陵陳判之鬱林

鄉樹秦人隔幾重
鬱江秋煖衣芙蓉
參差人面能人語
怕是猩猩樹底逢

詩

十五卷

四

送林貴縣

蒼梧猿斷泣湘君
人向清潯逗日曛
直下寶江明月影
能開二十四峯雲

小孤夜泊

小姑廟前迴夜舟
風起哀歌神女遊
灑灑落霞懸脂港
娟娟新月蛾眉洲

淮清橋弔許公

玉璽勤王路已躬寶釵猶在翠微空涓涓幾尺
淮清水流向江東許侍中

高座寺爲方侍講築瑩臺四絕

有引

方家女種落教坊年年踏青雨花臺上望而
悲之曰我祖翰林君也雙梅樹爲記因地入
梅都尉家而酬絕予爲植其墓有田春秋祠
之教坊人先已爲李道父郎中放其籍嫁商

詩

十五卷

五

人矣

碧血誰栽雙樹栽爲瑩相近雨花臺心知不是
琵琶女寒食年年挂紙來

宿草悲歌日欲斜清明不哭怕梅家不知都尉

當年死也似梅花近雨花

都尉亦死靖難

一種寒梅似白楊墓門不閉返魂香雨花臺上

春愁客只似遊胡看岳王

定有舍利世不傳寶壘偷得塋江邊從今更與
生公說好雨香花向墓田

送關叔秀北遊

家住白蘋烟水村霏霏筆勢趙王孫鳳凰池上
蓮花幕何必諸生倚市門

得馮具區祭酒書示紫柏

祭酒能思舊禮曹金陵寒色映江濤書中只說

詩

十五卷

六

春容老得以田光與貫高

拾之偶有所繾恨不從予同達公遊爲咏

此

扁舟予在水雲間汝逐嬌歌去不還今夜紙牕
陪笑語一燈分照萬重山

聞王子聲令太湖是明德先師舊蒞

雲夢諸孫年少郎羅公愛月舊池塘不應此縣

宜仙令百藥山前常異香

都下東同年三君

有引

同年南君魯君劉君偕予試政禮闈十五年
所矣俱以縣令來朝困頓流移可笑可歎立
春歲除春焉成味

曲江花老曲臺前試政傳看美少年流涕復來
歌笑地白頭相喚起朝天

詩

十五卷

七

御河水雪已溶溶爲愛長安日近冬今夜歲除
春立蚤衣冠還似聽朝鍾

樓外二首

樓外珠簾瞰碧江鏡前紅袖立紗牕教將侍女
高檠燭怕見新歡影一雙

洞房春淺似桃源蘭檻幽暉映雪痕臥向枕障
時有熊起看粧鏡欲無言

答無懷

新雨無人髮未梳得來池上故人書高風六月
宜樓息秋水來時同看魚

雨蕉

東風吹展半廊青數葉芭蕉未擬聽記得楚江
殘雨夜背燈人語醉初醒

寄題劉君東遠遊樓

詩

十五卷

八

種桃道士知何去看竹主人殊未旋世事山中
那得有白雲樓上小遊仙

東風七夕醉答君東二首

秋風河漢鵲成梁矯首牽夫悅暮粧爲問遠遊
樓下女幾年一度見劉郎

玉茗堂開春翠屏新詞傳唱牡丹亭傷心拍遍
無人會自搯檀痕教小伶

七夕

露冷風淺月光微
今夜南枝鵲不飛
慣向人間窺
贈枕閒從天外看
支機

八月三日吳觀察得月亭夜宴已而客病
主人別有恻然感人事之何常悵爲歡
之不易率然成韻并有懷人二首

多情多病莫多愁
纖月風亭得乍遊
我亦池塘

詩

十五卷

九

當戶好斷雲
城郭半侵樓

水遶芙蓉竹
遶塔酒泉香
濕看書齋主人
舊帶銀鈎手
亭子新鋪得月牌

少婦嘆三首

長安少女嫁爾郎
指道高遷卽帝鄉
十七年來彈淚盡
却隨回鴈寄衣裳

少女思歸一倍愁
妝臺側築望京樓
開來只索

圖西笑夫婿何因得上頭

時時作話不教多帝里餘生定一過獨笑酒醒
涼炕上錯呼燈影送鳴珂

庚子八月五日得南京七月十六日亡蘧

信十首

江天捲地黑風來報道吾家玉樹摧驚落枕牀
無淚出重重書計若爲開

詩

十五卷

十

回也死時三十二蘧子亡時二十三地下相逢
問年歲修文年少更難堪

劍末埋天玉末塵會心惟有再來身廻腸怪事
書空遍忽忽長呼若個親

空教弱冠敵才名未到長沙聽鵬鳴猿叫三聲
腸斷盡到無腸斷泣無聲

心包錦繡氣成霞只作朝開暮落花不待櫬回

成報服就中皮骨已成麻
鼻如懸膽目如瑩促領無肩骨
太清只道官微能下壽令人錯相管
公明

孔明屯渭旗先殞士雅先鞭楫
已摧好似吾兒戰江左奪營無路壯心灰

地下兒曹知識淺人間我輩結交深
泉臺帥伯堪依止爲道從龍一片心

時帥從龍周旋生死

十五卷 十一

後死都知文在茲
蘧廬天地一蘧兒
誰能哭向

千秋裏共要金陵立冢祠

吳元石賀知悉便欲留壙阿蘧金陵爲起

祠字者兒嘆而謝曰感君高誼第恐千秋萬歲後誰識孟嘗君耶

宋朝已死王元澤
直至明殂湯士蘧
恨殺臨川

隔江左半山無路得乘驢

寄廿子開

聞君何自不爲霖
映帶江山托卧深
人日西頭

送歌舞一聲吹斷碧雲心

人日

風光人日最宜春暫與登高醉一巡獨笑歌人
還未老惟應老却聽歌人
寄曾開府并問達公

玉人金鵝映成周紫柏先生在伏牛到得虎溪
三笑處不妨開口喚裴休

詩

十五

十二

飲青來閣卽事八絕

春風醉客倚闌時樓外鞦韆出柳絲解折細腰
拋更遠風前長袖拂鶯兒

春過睥睨繡牕前斜日霏霏草樹烟綽莫亂紅
驚燕起折腰人送畫鞦韆

小旂檀閣醉諸天坐近氍毹不許眠爲待玉纖
來拜佛宰官身畔看紅蓮

城南烟色遠萋萋
高宴城隅日未低
最是一春撩落處
鞦韆斜月畫樓西

大好今年寒食天
夕陽樓外看鞦韆
春衫馬上年年客
今日長安醉夢邊

風烟如此亦江山
滿日春心不閉關
爲道周郎長謝客
三層樓上帶紅顏

東南山色翠逶迤
日照西陵上酒遲
看罷鞦韆

詩

十五卷

十三

微有恨不敲方響出紅兒

樓中大士列威儀
樓外鞦韆倚侍兒
便欲借慈童子偈
碧雲那辨對湯師

江山圖

地折東南一半無
天傾西北幾雄都
秦皇不合求仙去
眼見江山是畫圖

周長松琴堂曉發

松陰雪月向來清堂上橫琴迸一聲待徹梅花
天欲曉却教孤角放人行

感事

中涓鑿空山河盡聖主求金日夜勞頗是年來
稀駿骨黃金應與築臺高

戲答無懷周翁宗鎬十首

洞章三見粉黃朱蕩澹清微氣色殊自此閒情

詩

十五卷

十四

都謝歇仙歌一點重如珠

金石心情好奈他一春開得幾巡花何消促膝
分明語總是奴家與婢家

前君偷送寶鑪書小婦窺牕總破除武帝未能
餐宛若文君終是損相如

平昌金礦浸河車曾道飛燒入用佳中使只今
堆白雪衰翁幾日試黃芽

無病還應學病人水牕山館四無隣胸中解貯
神仙字大要清齋却五辛

朝朝池上看魚兒遶鬢風輕楊柳絲二十年前
曾一醉御溝融雪下朝時

古道周周亦念饑不應金翠鎖重扉門前剩有

三江水扯住監河莫放歸

翁云餓三江口無施者

君須大業老難尋頭白熒熒視日陰數卷黃庭

詩

十五卷

十五

抄字錯可憐三食蠹魚心

雲路烟波咫尺間兩人憔悴舊江山重來只話
尋常事落日墟頭酒未慳

蚌老秋深欲吐珠多男多事費躊躇不須竇氏
平攀桂五柳分教守一株

時遣者遠西呂方在娠也

過北鄉神橋

野老相逢秋色派大荷溪鳥沒菰蒲輕烟欲露

醉辦嶺片月能生巧子湖

寄南平令

去去精靈得幾年豐城曾與玩龍泉歸舟儘載
閒風月好過高高黯淡天

劉君東病足遠遊樓寄問四絕

遠遊絲履遠遊冠風月樓中入望寬便道主人
饒濟勝不將山水換長安

詩

十五卷

十六

巖岫風烟四望深花枝伏檻滿樓陰不應婚嫁
尋常事大要羈遲白髮心

西昌能作遠遊堂翰墨江山此醉鄉直是留連
拚不去分拋五岳付誰行

何年忽忽更悠悠向癖山川祗卧遊便合真形
來夢裏也應隨步作三休

醉答君東怡園書六絕

逶迤原是世中情脫畧還疑身後名俠骨從來
重歌舞白忙閒殺舊東平

樓觀光陰十畝間蟠龍織翠入樓山偏爭雲後
饒歸興大向春深欲閉關

一州交態總浮沉何意胸沾吉水深待放梅花
粗欲了梅花粗不了人心

君東約梅花開時粗
了人事江上相尋

世間兒子漫紛紛蘭玉葱芊只自薰種得江園

詩

十五卷

十七

千樹橘始應呼我作封君

君東以有佳
兒當封相戲

說到彈珠愛我深可堪消盡壯來心紫釵一郡

無人唱便是吳歛聽不禁

也知乘興及怡園世事入門難出門道是不遊
遊便得間關芳草妬王孫

向君東四索泰和縣方物

上禽何意說丹雘黃脚烏鷗最煖中玉粒幾年
高棧裏今朝求向祝鷄翁

酒

太乙春濃號泰和兼清人望十旬過若湏旋注

糟床玉籬菊參差柰汝何

湘竹篋子

細紋如浪翠勺黃遠寄精瑩亦大方遇有楚騷

詩

十五卷 十八

文字貯屈平終不負瀟湘

扇

知君未愛古人爲愛我張顛小杜詩別却南平

輕扇子幾人同醉墨淋漓

寄生脚張羅二恨吳迎旦口號

迎病妝唱
紫釵客有

掩淚者近絕

不來恨之

吳儂不見見吳迎不見吳迎掩淚情暗向清源

祠下呪教迎啼徹杜鵑聲

宜令祠清源
師灌口神

不堪歌舞柰情何
尸見羅張可雀羅
大是情場情復少
教人何處復情多

記與萬祠部語次戊戌春事

蚤知新
建當危

頭年卽是次年因說與諸公不信人未是沙堤
行不穩沙堤無樹可藏春

庚子七月晦吳觀察得月亭舉燭沾醉云

詩

十五卷

十九

各有子秋試望之悵然成韻八絕

初過得月水心亭酌姮娥共醉醒恰是尊前
迎晦日金波全讓滿池星

同君蚤歲問姮娥此夜亭看桂影波何物向人
偏灑瀲酒杯先月占圓多

面面荷心滴露臺娟娟得月水亭開亭前逐夜
飄香氣會是吳家斫桂來

風亭曲檻高流槎擬注寬杯插月華桂葉沉沉
渺天漢前杯哈哈金蝦蟆

晦色平波月不流高情來坐此中幽夜荷風露
銀燈燁猶照深杯水檻頭

勝館名園千萬金不能銷帖看人心吳郎一丈
亭兼水有客酣歌清夜沉

把酒蓮西得月初看花側燭跳紅魚白頭兄弟

詩

十五卷

二十

宜深飲幾許秋光城市居

燈回林岸綠烟稠幽鳥喧棲螢亂流自後主人
饒得月不知何客最宜秋

庚子八月四日五鼓忽然煩悶起作

三首
同前

得月亭詩遂成
亡遠詩識傷哉

夢到江南心忽忽起看星漢鼓冬冬門闌幾尺
通天水不合生兒望作龍

盆道文章是國華年來夢卜總無佳春風玉樹
長年在爲要先開眼裏花

山川宅占渾難見天地才殊也未憑蘸得英雄
成夢境封侯箭裏讀書燈

重得亡遽詩二十二絕

遽兒原是佐王才何但文心一路開盆道黑頭
公蚤晚那知止竟不成槐

詩

十五卷

三

汝從三歲識經書八歲成文便起予更作遽年
過六十那堪一夢是遽遽

五歲三都成暗誦終星廿史畧流通不知持此
歸天上還是同他入土中

丁場文字畧參差十月西歸見捷兒不謂齷然
遊太學文章驚動兩鴻師

郭傅先生近得知吳門尺練短遽兒曾天才子

遭陽九辜負顏回慟聖師

博士齋頭詹事府平昌署裏瑤江樓何處不曾
牽手教收書遺草壁間留

乙未拋辭再不同丁春重見亦匆匆
淞嘉大有

相援意不敢題書報董公

先是華亭董玄宰語
嘉興弟子許生應培

教遊大學許爲
地道意追念之

已覺書淫時病目正逢名盛卽殘身
醴泉使竭

詩

十五卷

二七

靈芝死自是蒼蒼不近人

眼中只有我兒郎怪事飄零沒異鄉
道與姪娥

應下泣一枝秋蚤桂銷亡

天下試闈今日開我兒殊欲赴燕臺
可憐虛負

黃金氣千里徒傷死骨灰

文章法裏兼諸品經濟談中得幾分
正道老成

扶帝制誰教年少作修文

瘦人麻白有時黃好着輕絲碧藕裳直爲少眉
拋世去不教人喚玉螳螂
中秋先日我生辰去歲來家賀我旬誰料今年
無彩服江東麻布淚痕新
愁中偶見碧桃菱勺水相滋翠立回偏是我兒
愁熱死秋深冷露不將來

不爲鷄口亦何妨文到神奇更甚忙自是鬼神

詩

十五卷

五

爲瘡痢非關參朮誤膏肓

死別彌天淚不禁兒生只礙我人心如何病到
支離處教弟湏看禪理深
每道三乘是一途就中無念亦無無何因病得
空明相起向燈前索念珠
久不來傍見亦嗔坐來風調覺偏親如今滿屋
無知己解得吾狂是別人

八歲南京起大名廿餘咄咄死南京知爹已絕
趨朝意便道南京不忍行

我兒偏愛說那咤拆肉還娘骨付爺肉到九原
娘解否要爺收取骨還家

兒常論鬼豈人爲鬼物原開別一支我願定依
人作鬼燈前夢裏見來時

從來亢壯少情親宦不成遊家累貧頭白向遽

詩

十五卷

五

遽又死阿爹真是可憐人

亡遽四異

朔夜中堂下竊行如鼾如恨徹明聲不知是汝

竟先到還是亡荆氣不平

八月朔忽自不懌卜竈問試事東出聞人

云我止有銀四分九釐那知是四分別久離也通夕聞恨聲甚慘登梯掘竈不見來處晨

止

黃蛇朔五隊堦前汝夢黃蛇飛上天恰是病來

初七日肯教人不信因緣

初七日玉茗庭前
一蛇兒便六日在

南都夢黃蛇上天七日病瘧下兼瘧
服參朮求健人試過中元一口不起矣

紙筆俱飛作片霞夢餘人道好生涯不知自在

王何在豈有文章號覺華

兒夢一王者名覺華
自在王借其紙筆不

與已而紙筆自飛去後

以覺華編名其文識耶

覺華文字儘流傳萬選精輝有半千兩字合來

成故物夢人曾施古文錢

兒夢拾古
錢故字也

詩

十五卷

五

長卿苦情寄之瘍筋骨段壞號痛不可忍

教令闔舍念觀世音稍定戲寄十絕

老大無因此病深到頭難遇了人心親知得授

醫王訣解唱迦雲觀世音

涕唾機關一線安業緣無定轉何難諸天普雨

蓮花水只要身當承露盤

甘露醞醜鎮自涼抽筋擢髓亦何妨家間大有

童男女盡捧蓮花當藥王

肉眼戲從羅刹女色身吹老

黑風船年來藥圃

舍利得瑪瑙真珠不直錢

智慧生成護白衣更綠諸漏

密皈依雌風病骨

因何起懺悔心隨雲雨飛

色聲香味觸留連杻械刀枷

鎖骨穿但入曾明

能定痛一般心火是寒蓮

詩

十五卷

五

卧具隨身醫藥扶到頭能作

壞僧無猶餘十瓣

青蓮爪長向天花禮數珠

四大乘風動海潮秋前移病

對芭蕉不知一種

無名恨也向蓮花品內消

金骨如絲付粉霜殘年空服

禹餘糧惟除念彼

觀音力銷盡烟花入禁方

非關鉛粉藥是病自愛燕支

冤作親今日人前

彌長者觀音休現女兒身

懷龍身之蕪陰舊遇因時有皮寨之役感
身之前平五開有二云

龍伯空江引釣絲掣鰲無奈黑風隨幾回赤鑪
山前立恰是秋風鳴劍時

姑熟秋江白紵催風波一落更難回五開銅鼓
如何意漫入乖龍耳後來

詩

君東病足戲爲臨川之約

遠遊名字入樓清面面江山看雨晴賴是年來
雙脚穩俗人行處不會行

春光原只被花催不解將人笑口開但得素心
人在眼十年蒼鬢一時回

諸生時同周明行天寧寺房頭不見

小小能爲文字禪
碗池花雨竹牕前海珠夜落

蒼龍影淚向誰

家一滴泉

再寄身之

都慳遊興十年
前世路風雲已隔天尚憶一尊
梅嶺下春衣快
閣偶停船

聞兄坐起要人
扶還自高歌舞鷓鴣一別楚天
如夢裏妓衣燈
火記于湖

夢回

詩

十五卷

三

海天星月動沉沉
沉玉女雙窺碧落深
跂答一聲
金磴曉醒時心
換醉時心

懷身之初度并弔楊臨臯監軍

半百龍生又十年
遶天兵甲在西川
江湘一笑
平蠻客快閣秋
嵐得醉眠

龍生六十看人
間兩足雖殘髮未斑
獨恨泰和好
鷄酒臨臯生
欲去平蠻

王孔丞哭蘧

才子高名自一時年來死別間
生離秋風老淚枯何處露濕庭前青桂枝

病齒笑答

徵角清吟齧不辭恐緣微細得參差不如換與
卿含笑解唱江南啄木兒

辛丑社日至良岡憶壬申數年事泫然口

詩

十五卷

五九

號

十上曾歸此讀書病妻羸女正愁予重來眷屬
俱黃土夜雨燈花洒淚初

辛丑大計聞之啞然

孫劉要使不三公點滓微雲混太空比似陶家
栽五柳便無槐棘也春風

人遺湘紋笛材內子持作筆問之

折雨裁雲風露清
斷腸千點寄江城
便饒寫盡湘峯色
何似還他雲漢聲

代答

解作參差凌紫霞
湘靈終是怨懷沙
不如剝取摛殘錦
夢裡同看五色花

閨閣中嘆雨

青天遲日太匆匆
一歲春光雨和風
萬樹千花

詩

十五卷

三

猶有嘆兒家
一樹寶珠紅

代旱龍船人罵水龍船人

午日前後俗都天廟旱龍船十

人負之以出上刻小兒不淨相嚇取米物夜歸頗盈水龍船空有沈溺之怖鮮有酒標之利

代爲此語

年年五月怖兒曹
金鼓排門聲勢高
但取月明歸蒲載爲龍
何必在波濤

代文昌橋閣大士問郡人何以不助大士

完橋而遠助南昌旌陽廟祝

龍沙一火自應傳魚腹千人更可憐
橋上過都求拔宅竟升天
可是

代郡人答

大士行緣敢告勞微情功德兩爭高
蛟龍柱燬施織鐵烏鵲橋成更一毛

辛丑五日又病聽稚兒念書

詩

二

十五卷

三十一

酒琰都成藥碗香病禁風雨兩蒲陽扶床更作
書聲聒不學羣兒戲索郎

南昌甲羅維禎青蘭山居偶成

麻衣如雪覆龍沙淚滿春風水一涯
殘雪未消人似玉青蘭晴色半蒹葭

用韻水月問病

幾曾出露幾含藏長自增增說禁方
盡日科頭

成一笑病王原是老醫王

風巖結夏恣清涼
突兀奇雲幽路光
獨坐池亭還病熱
出來水月是醫王

偶興度一少年爲僧

三百文錢不可憐
一頭頭髮向諸天
徒然不得金刀力
擢髮難消此業錢

自心煩惱却求人
選佛場中作勝因
便與杖頭

詩

十五卷

三

三百个只教還我髻中珍

忽見繆仲淳

屏風疊裏鴈初迴
灑灑湖天片月開
紫栢去時春色老
可中還有到人來

數滴瓶泉花小紅
絲絲禪供翠盤中
秋光坐對蒲塘晚
一種香清到色空

口號寄馬長平初見長平于魏老卜肆感

懷

不曾爲吏向廬江一笑相逢俠不降今日長沙
思季主長安空老魏無雙

水月破船吟

明月西流江水東破蓬無恙好節風衝波不信
船心漏到岸纔知杯渡空

役盡風波莫怨天破船原是舊家船南來北去

詩

十五卷

三

客邊事忙却江心閒數錢

水月疎山尋達公遊處并問吳選部

不聽石門流水禪疎山空老白雲天達公到日

詩留壁可得袈裟覆紫烟

欲禮名山作草堂達公會此費商量惠休靈徹
爭來往慚愧三生恰姓湯

石寺寒江風月織當中一佛我莊嚴白雲盡處

殘經在肯爲多生下一籤
半臂袈裟水一方白雲秋影送高涼幽山盡日
憐公子自解朝衣蘸佛香

水月匡山結臘寄問邢來慈

破衲粗沾梅雨黃白蓮吹斷遠池香江空水月
無人別牢落浮生是性光

無生休說未生前話到無生不偶然珍重白頭

詩

十五卷

二五

吟望盡萬山殘雪九江船

侍宸殿贈益藩老內史

玉皇分與鬢貂璫白髮宮牌翠佩長掃地焚香
春殿裏總延詞客奉君王

曾叩僊都宿侍宸君王臺殿百花新傷心不向

梁園老白首湘江漢逐臣

時謫
雷陽

鳳嶺參差作侍臣天潢南畔見河津得知飛蓋

西園夜誰是抽毫賦月人

占仙亭接大羅天鳳舞鸞歌得幾年益道淮王

好賓客麻姑真作酒如泉

明德師坐化時黃南道人遣受語師筆云

不隔一線

口號送謝山子再如廣陵

風雨蕭蕭江水西孤舟纜上蜀禽啼春心一片

墮堤松君去迷棧判却迷

詩

十五卷

三五

非關玉茗不相留自是瓊花結勝遊四海蒼生

憑望盡東山今日在揚州

武家樓西望塔下寺

年少書齋此共棲石蓮龕雪夜燈齊重來獨上

南樓月鈴鐸無風塔影西

先寒食一日同張了心哭王太湖袁翰林

張衡愁處起離情不見黃州王子聲絮酒隻鷄

千載事楚天明月是清明

十年江上子規啼共醉長安踏雪泥獨是王孫
歸路盡茂陵寒食草萋萋

修支何地一彈冠也共公安袁玉璫十載禁煙
飛不到楚天寒食正應寒

嬌歌殘雪夜呼盧折盡雄心與太湖今日招覓
向江楚氣吞雲夢一時無

詩

十五卷

三六

哭梅克生

長安醉卧雪霏微共枕貂裘覆衲衣今日塞門
成宿草楚天覓夢向誰飛

眼裏衡湘一个無文情吞漢武吞胡錦衣躍馬
吾何泣十載窮交在兩都

望耆兒

雨過杏花寒食天秣陵春色也依然遊閒不是

兒家業大好歸來學種田

清遠樓中一覺眠
雨鶯風燕乍晴天
年來愛作團樂語
不得中男在眼前

吳拾芝訪星子吳勾容并招謝山子廣陵
但道延陵卽近親
暖風輕雨帝鄉塵
宮湖便是郎官浦
仙令原爲星子人

中酒高歌只在家
朝來喜客向京華
何因不趁

詩

十五卷

春流去過盡揚州芍藥花

亂踏烟花醉欲悲
斷橋疎雨片帆移
乘流且莫江南住
五日揚州作水嬉

笑指雙娥淚別衣
暮簾青雀雨微微
迷樓得見謝山子
好作雙僊劉阮歸

清明悼亡

版屋如房閉玉真
新添一尺瓦鱗鱗
不應廿載

輕輕淺好在殷勤同穴人

春水青林斷女蘿廿年松栢寄山阿南都不解

成長別纔送卿卿出上河

婦家東鄉春水

曾夢紗牕倚素琴何知菱絕鳳凰音春烟石闕

題何事寒夜烏哀一片心

署中夢于故牕下彈銀琴

枕簟青林一到衙相看幾月病還家藥成不得

夫人用腸斷江東剪草花

詩

十五卷

三六

欲葬宮商買地遲深深瓦屋覆寒姿秣陵舊恨

年多少夢斷紅橋送子時

南都夢卿推髻匆匆把青兒中橋相付指

紅寺云欲往彼月餘計至

寒食上蘧冢

總為金陵破我家子規啼血暮光斜寒漿獨上

清明冢年少文章作土苴

上巳燕至

祗憑憔悴望江南不記蘭亭三月三花自無言
春自老却教歸燕與呢喃

初至平昌與蘇生說耕讀事

杏花輕淺詠庭閒零雨疎風一往還新歲班春
向誰手許卿耕破瑞牛山

青雲坊下老明經河畔橋邊處士星不爲峨眉
風骨遠書聲那得醉餘聽

詩

十五卷

三五

玉茗堂全集

杏芬漣漪結真閨零雨蕪風一卦影深歲班春
總爲時至平昌與蘇生說耕讀事
春自老却教歸燕與呢喃

蘇生熟筆筆玉南不情蘭亭三月三芬自無言

